



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlvm III. Non est.

---

[urn:nbn:de:hbz:466:1-62559](#)

## CAPITVLVM III.

Non est.

## PARAPHRASIS.

Non debet reprobari consuetudo, si alicubi canonice præscripta sit, quod Episcopus in inquirendis, ac puniendis subditorum criminibus Capituli sui consensum requiri non teneatur.

## SUMMARIUM.

1. *Etsi Episcopus, aliisque Prælati negotia quedam cum consilio aut consensu Capituli expedire debeant, contrarium tamen per consuetudinem legitimè præscriptam introduci potest; excipitur libera alienatio rerum ecclesiasticarum.*
2. *Vt autem canonice Episcopus prescribat in talibus, requiritur præter annos XL. & bonam fidem titulus coloratus, seu presumpsus, vel sine titulo tempus immemorale.*
3. *Per consuetudinem, si irrationabilis non sit, & legitimè præscripta, tolli potest solemnitas, qua ex iuris positivi constitutione ad attus alicuius valorem necessarius est.*

**N**O TANDVM I. Tametsi, spectato communiure, Episcopus in inquirendis ac puniendis subditorum criminibus, Cathedralis Capituli consilium adhibere teneatur, cap. 1. de excessibus Prælatorum, tamen per consuetudinem legitimè præscriptam contrarium introduci potest.

Adde, idem quoque sentiendum de aliis negotiis, quæ secundum iura cum consilio, aut consensu Capituli expediti debent, quod consuetudine præscripta Episcopus, aliisque Prælatus acquirere posse, ut solus expediatur, ea noscitur, 6. hoc tit.

Excipiendum tamen, quod Episcopus, aliiisque Prælatus rerum ecclesiasticarum libera alienationem consuetudine obtinere nequeat, prout docet Gl. recepta in Clem. 2.,

ver. consentiente, in fine, de rebus eccles. non alien. & dixi de hoc suprà in c. vlt. hoc tit.

Deinde excipiunt aliqui negotia ardua, cuiusmodi est v. g. depositio Abbatis, aut Prepositi subiecti Episcopo: talia existimant, nulla consuetudine obstante, expedienda necessariò esse cum Capituli consilio. Ita Ioan. Monachus hic, & Anton. n. 7. Sed contrarium magis placet, quod hic tradunt Ioan. Andr. Probus, & alij. Nam lex siue canon generaliter positus, generaliter accipi debet, si nulla restringendi necessitas adsit, l. de pretio 10. ff. de Public. in rem actione, c. solitae 6. de maior. & obed. Canon autem iste sine distinctione, adeòque generatim in hoc genere approbat consuetudinem canonice præscriptam: neque adeò restringendi necessitas: cùm fieri possit, vt ob circumstantias locorum, personarum &c. æquè vtile, aut fortè utilius ecclesiæ esse videatur, si Episcopus cum aliorum sapientium consilio negotia, etiam ardua, solus expediatur: quām si à Capituli requiringo consilio dependens, facile & expeditum finem imponere non possit.

Obiter hic notari potest discrimen inter leges, seu canones vniuersales: Aliquæ enim ita Reipubl. Christianæ vtiles, bonisque rationibus constitutæ sunt, vt tamen oppositum earum, ob alias rationes considerationes, etiam vtile & rationabile videri possit: imò etiam interdum utilius pro temporum, locorum aut personarum qualitate. Et hæ leges, siue canones per consuetudinem abrogari possunt, vt hic appareat & in c. vlt. hoc tit. in antiquis. Aliæ vero sunt leges, præferunt canonicae, quæ ita rationabiles & vtiles Ecclesiæ sunt, vt oppositum earum, absolute loquendo, non nisi damnosum, noxiū, adeoque irrationalē censeri possit, vti colligatur ex ijs. quæ docuiā e. vlt. hoc tit.

**Q**UÆRITVR. Quidnam in casu huius c. requiratur, vt Episcopus contra Capitulum canonice præscriptissime censendus sit? Respondeo cum Gl. hic ver. canonice: Requiri tempus annorum xii. cum bona fide, & titulo 2 colorato, seu præsumpto: sine titulo autem, opus esse tempore immemoriali. Sumitur hæc doctrina ex c. 1. de præscript. in 6. ybi habetur,

Cc 2

betur,

betur, si ius commune præscribenti resistat, conseqüenter absistat ei, contra quæ præscribitur, præter annos XL. & bonâ fidem, opus esse titulo; vel, si titulus nullus sit, tempus immemoriale, quippe quod instar tituli est, si capacitas sit in usucapiente: Atque in isto casu ius commune resistit Episcopo, absistit verò Capitulo, quando prohibet, ne Prælatus negotia ecclesiæ sine Capituli consilio administret: Ergo ad præscribendum contra Capitulum præter bonam fidem XL. anni cum titulo, aut sine titulo tempus immemoriale requiritur.

**NOTANDVM II.** Per consuetudinem, si irrationalis non sit, & legitimè præscripta, tolli potest solemnitas, quæ ex iuri positui constitutione, ad actus alicuius valorem necessarius est. Ita sumitur ex hoc c. & indicat Gl. fin. h̄c. Nam sacri canones adeò postulant in tractandis negotiis Capituli consilium ab Episcopo aut simili Prælato requiri, vt sine eo acta irrita sint, cap. nouit 4. c. quanto 5. de his quæ sunt à Prælatis &c. Quia tamen hæc conditio siue solemnitas non est actui, qui geritur, secundum se siue ex naturâ rei substantialis, (eo quod solus Episcopus auctoritate suâ actum expediat, v.g. sententiam contra delinquētem proferat) ideo per contrariam consuetudinem tolli potest; sicuti in præc. cap. dixi de requisito numero testium in ultimis voluntatibus.

Objicitur primò, Vel Episcopus scit, Capituli consilium de iure requirendum esse, vel nescit: Si prius, bonam fidem non habet, ideoque præscribere non potest: Si posteriorius, itidem præscribere non potest, quia error facti & non iuri in usucaptionibus prodet, l. iuri ignorantia 4. ff. de iuri & facti ignorantia.

Objicitur secundò, Usucapio, siue præscriptio non potest introduci per actus nullos, siue irritos, sicuti docui in c. quanto 4. hoc tit. in antiquis. Sed negotia acta, v.g. lata sententiae ab Episcopo, non requisito Capituli consilio, irrita censentur, sicuti suprà dixi: Ergo non potest per eos conualescere consuetudo, tametsi ad sit bona fides, &c.

Respondetur ad 1. Eo argumento ostendi, quod primus Episcopus contra Capitulum

præscriptionem inchoare non potuerit; nisi titulum coloratum habuerit, videl. Pontificiam concessionem, cui obreptio, aliud vice titulum ab Episcopo ignoratum inerat. At verò successores Episcopi, videntes ab antecessore uno aut pluribus talem consuetudinem absque contradictione observatam fuisse, credere potuerunt, eos iustum causam, titulumque habuisse, negotia Ecclesiæ ita tractandi, & ita contra Capitulum per tempus immemoriale præscribere potuisse, tametsi nullus titulus coloratus, seu præsumptus allegari posset. Ita docuit Archidiaconus h̄c, quem immērito Ioan. Andr. circa Gl. 3. refutat.

Ad 2. respondetur, Maiores veram esse, si actus omnimodè irriti sint, prout accidere solet, si desit quippiam pertinens ad essentiam, siue substantiam actus intrinsecam; aut si inhabilitas sit ex parte agentis, quia sine aperiendis potentia, impossibile est actum validum prodire: Non item veram esse, si actus irritus sit, non omnimodè, sed ciuili tantum consideratione, non autem naturali. Hoc modo validus est contractus à pupillo usum rationis habente, institutus sine tutoris auctoritate: Item testamentum absque testium legitimo numero, prout docui lib. 1. Theol. moral. tract. 4. cap. 16. n. 6. Atque hoc posteriore modo irrita censeri debent, quæ à Prælato sine Capituli consilio, aut simili à iure extrinseca seu accidental i requisita conditione acta sunt, prout docui in eod. cap. 16. in fine.

## CAPITVLVM VLT.

### Cum intua.

#### PÄRAPHRASIS.

Pontifex mandauerat prouideri Tito præbendam proximè vacaturam in ecclesia N. constituto executori Caio. Cum autem vacaret præbenda, & executor procedere vellat ad conferendum, obiecerunt Canonici, in ea ecclesia consuetudinem esse, vt antiquiores vacantem præbendam optare possint, id est, suâ præbendâ